

四庫全書

史部

欽定四庫全書

欽定外藩蒙古回部王公表傳卷之七十五

傳第五十九

扎薩克一等台吉丹津額爾德尼列傳

丹津額爾德尼喀爾喀部人姓博爾濟吉特扎薩克親王善巴再從弟祖畢瑪里吉哩諦為賽因諾顏圖蒙肯第九子號巴圖爾額爾德尼諾顏父弼齊噶岱號額爾克岱青世為所部扎薩克康熙十

八年噶爾丹自稱博碩克圖汗虐附近諸部畢瑪里吉哩諦偵謀侵喀爾喀遣使告

上嘉之

優賚其使十九年噶爾丹屬額爾德尼和碩齊私掠內扎薩克烏喇特部界畢瑪里吉哩諦以所居哈嚕納山距烏喇特六日程慮還掠偵額爾德尼和碩齊竄處額濟內河以

聞

詔設汛防禦二十四年畢瑪里吉哩諦卒子弼齊噶岱嗣
號額爾克岱青尋卒二十七年丹津額爾德尼隨
其從兄善巴來歸

諭仍駐牧哈魯納山二十八年

詔發殺虎口倉粟賑所屬貧戶尋請赴寧夏互市

許之三十年迎

覲多倫諾爾

詔授扎薩克一等台吉丹津額爾德尼以厄魯特巴圖爾

額爾克濟農和囉理居阿拉善與已牧地毗連多
被竊遣使訴于

朝

遣官詰責和囉理且令徙牧界內和囉理懼遁

詔即收其人畜畀丹津額爾德尼復

諭偕郡王善巴等備禦和囉理尋和囉理乞降罷兵三十

六年叛賊伊拉古克三呼圖克圖竄伏黃河西岸

謀劫汎馬

諭防緝之五十一年卒子錫喇扎布襲

一次襲錫喇扎布丹津額爾德尼長子康熙五十一年襲扎薩克一等台吉雍正六年卒子滿珠習禮襲

二次襲滿珠習禮錫喇扎布長子雍正六年襲扎薩克一等台吉九年卒子吹木丕勒襲

三次襲吹木丕勒滿珠習禮長子雍正九年襲扎薩克一等台吉乾隆二十年卒子敦多布納木扎

勒襲

四次襲敦多布納木扎勒吹木丕勒長子乾隆二十年襲扎薩克一等台吉三十年卒弟多爾濟齊巴克襲

五次襲多爾濟齊巴克吹木丕勒次子乾隆三十年襲扎薩克一等台吉四十年卒子索諾木袞布襲

六次襲索諾木袞布多爾濟齊巴克長子乾隆四

十年襲扎薩克一等台吉四十六年

詔世襲罔替

扎薩克一等台吉薩木濟特列傳

薩木濟特喀爾喀部人姓博爾濟吉特扎薩克台
吉阿哩雅叔祖父錫納喇克沙特號琿台吉舊為
所部扎薩克薩木濟特嗣號昆都倫墨爾根岱青
康熙三十一年來歸

詔授一等台吉仍兼扎薩克五十一年卒子根敦襲

一次襲根敦薩木濟特長子康熙五十一年襲扎薩克一等台吉雍正十三年以病罷子布達扎布襲

二次襲布達扎布根敦長子雍正十三年襲扎薩克一等台吉乾隆十七年卒子車登扎布襲三次襲車登扎布布達扎布長子乾隆十七年襲扎薩克一等台吉四十六年

詔世襲罔替四十七年以病罷子多爾濟扎布襲

四次襲多爾濟扎布車登扎布長子乾隆四十七年襲扎薩克一等台吉

扎薩克一等台吉伊達木列傳

伊達木喀爾喀部人姓博爾濟吉特扎薩克親王善巴再從弟祖察斯喜布號昆都稜為賽因諾顏圖蒙肯第七子有子三長琿台吉扎木延即伊達木父次多爾濟孫袞布車稜授輔國公次圖巴子納木扎勒別授扎薩克台吉詳各傳伊達木號墨

爾根台吉康熙二十七年來歸隸善巴旗三十五年隨西路大將軍費揚古敗噶爾丹於昭莫多

上以其父扎木延舊為扎薩克伊達木復有從軍功

詔授扎薩克一等台吉勿復隸善巴四十八年卒子達爾
濟雅襲

一次襲達爾濟雅伊達木長子康熙四十八年襲
扎薩克一等台吉雍正六年卒子齊旺扎布襲

二次襲齊旺扎布達爾濟雅長子雍正六年襲扎

薩克一等台吉十二年卒子額璘沁襲

三次襲額璘沁齊旺扎布長子雍正十二年襲扎
薩克一等台吉乾隆二十年大軍勦達瓦齊額璘
沁留軍營督牧駝馬二十一年和託輝特逆賊青
衮咱卜叛衆喀爾喀為所煽多棄汛歸額璘沁偕
同部扎薩克台吉賚充扎布等督牧如故

詔嘉其忠誠

賜孔雀翎

金史卷之十五
賚幣舊例牧夫不給口糧至是并

命給之二十九年額璘沁卒子巴勒桑敏珠爾襲

四次襲巴勒桑敏珠爾額璘沁長子乾隆二十九年襲扎薩克一等台吉四十六年

詔世襲罔替

附輔國公衮布車拔列傳

衮布車拔扎薩克台吉伊達木從子祖多爾濟為伊達木父扎木延之弟有子一曰葉勒登衮布車

稜其子也初授協理台吉雍正十年隨額駙親王策凌敗準噶爾于克爾森齊老及額爾德尼昭乾隆元年叙功

詔封輔國公九年卒子丹忠襲

一次襲丹忠袞布車稜長子乾隆九年襲輔國公二十年卒子達什朋楚克襲

二次襲達什朋楚克丹忠長子乾隆二十年襲輔國公四十六年

諭曰達什朋楚克之祖衮布車稜因在軍營奮勉効力
優封輔國公至今承襲業已三世著加恩令其世襲
罔替

扎薩克一等台吉納木扎勒列傳

納木扎勒喀爾喀部人姓博爾濟吉特扎薩克台
吉伊達木從弟祖察斯喜布父圖巴見伊達木傳
康熙三十五年納木扎勒隨西路大軍勦噶爾丹
至額布爾谷阿達克奮擊賊衆大將軍費揚古表

其功

詔授扎薩克一等台吉五十五年卒子巴朗襲

一次襲巴朗納木扎勒長子康熙五十五年襲扎
薩克一等台吉雍正十年隨額駙親王策凌擊準
噶爾于克爾森齊老力戰被創

諭獎其勇

賜降衆四戶乾隆十三年以病罷子喇布坦襲

二次襲喇布坦巴朗長子乾隆十三年襲扎薩克

一等台吉二十年大軍勦達瓦齊喇布坦留駐塔
密爾二十一年和託輝特逆賊青衮咱卜叛衆喀
爾喀為所煽多棄汛歸喇布坦守護塔密爾軍庫
賜孔雀翎二十四年卒子敦多布襲

三次襲敦多布喇布坦長子乾隆二十四年襲扎
薩克一等台吉三十一年以病罷子旺濟勒三丕
勒襲

四次襲旺濟勒三丕勒敦多布長子乾隆三十一

年襲扎薩克一等台吉四十六年

詔世襲罔替

扎薩克一等台吉沙魯伊勒都齊列傳

沙魯伊勒都齊喀爾喀部人姓博爾濟吉特扎薩克親王善巴再從弟祖桑噶爾扎號伊勒登和碩齊為賽因諾顏圖蒙肯第十一子生都噶爾隸善巴旗子即沙魯伊勒都齊康熙三十五年隨西路大軍勦噶爾丹至道拉哈薩克奮擊被創叙功

詔授扎薩克一等台吉雍正二年以病罷子延達博第襲

一次襲延達博第沙魯伊勒都齊長子雍正二年

襲扎薩克一等台吉乾隆二年卒子羅卜藏敦多

布襲

二次襲羅卜藏敦多布延達博第長子乾隆二年

襲扎薩克一等台吉三十二年以病罷子衮布多

爾濟襲

三次襲衮布多爾濟羅卜藏敦多布長子乾隆三

十二年襲扎薩克一等台吉三十四年扈

駕木蘭行圍

賜孔雀翎四十六年

詔世襲罔替



欽定外藩蒙古回部王公表傳卷之七十五

欽定四庫全書

欽定外藩蒙古回部王公表傳卷之七十六

傳第六十

扎薩克一等台吉素達尼列傳

素達尼喀爾喀部人姓博爾濟吉特扎薩克親王
善巴從弟祖丹津喇嘛父羅卜藏見善巴傳素達
尼舊隸善巴旗任協理台吉康熙三十五年隨西
路大軍擊噶爾丹黨固英必齊葉齊等于汗阿林

降其衆三十六年善巴疏言素達尼父羅卜藏號
額爾德尼伊拉古克三陀音為丹津喇嘛第三子
舊掌所部扎薩克素達尼復從征有功請編所屬
別為一旗令轄之

詔允其請授扎薩克一等台吉三十九年卒子薩喇旺扎
勒襲

一次襲薩喇旺扎勒素達尼長子康熙三十九年
襲扎薩克一等台吉雍正元年卒子車布登襲

二次襲車布登薩喇旺扎勒長子雍正元年襲扎
薩克一等台吉十一年以從征準噶爾私棄軍歸
牧罪議削爵子賚充扎布襲

三次襲賚充扎布車布登長子雍正十一年襲扎
薩克一等台吉乾隆二十年大軍勦達瓦齊賚充
扎布捐馬助軍

命赴科布多督牧務二十一年和託輝特逆賊青衮咱
卜叛衆喀爾喀為所煽多棄汛歸賚充扎布偕同

部扎薩克台吉額琳沁協理台吉旺舒克多爾濟
等督牧如故

詔嘉之

賜孔雀翎

賚幣并

命給牧夫口糧示獎二十四年賚充扎布卒弟納旺車
稜襲

四次襲納旺車稜車布登次子乾隆二十四年襲

扎薩克一等台吉四十六年

詔世襲罔替

附公品級三等台吉噶瓦列傳

噶瓦扎薩克台吉賚充扎布近族初授三等台吉
協理賚充扎布旗務乾隆二十一年和託輝特逆賊
賊青衮咱卜叛梗驛路噶瓦督牧馬續之乃得達
諭曰當驛路中斷時經過官員猝遇其變賴噶瓦供給
牲畜為之護送且伊所捐接續驛馬甚多奮勉急公

朕深嘉之著賜公品級三十四年卒理藩院議停襲
詔仍以其子桑濟襲

一次襲桑濟噶瓦長子乾隆三十四年襲公品級
三等台吉四十六年理藩院議桑濟所襲公品級
例弗應世襲請出缺後停襲

詔如議四十七年

諭曰前議于桑濟出缺後請旨停襲朕因其照例辦理
業已允行但念桑濟之父噶瓦于青衿咱卜作亂時

不肯隨衆株守能自備馬接遞驛務且于經過官員
供給牲畜伊不過一協理台吉誠心奮勉若此故特
賜公品級噶瓦卒後朕追念前功仍爵其子若終歸
削除朕心殊為不忍著恩予世襲罔替

扎薩克一等台吉濟納彌達列傳

濟納彌達喀爾喀部人姓博爾濟吉特扎薩克親
王善巴再從弟祖扣肯號巴扎爾為賽因諾顏圖
蒙肯第十二子父車登號綽克圖濟納彌達嗣之

舊隸善巴旗康熙四十八年

詔授扎薩克一等台吉自為一旗五十四年和託輝特公

博貝奉

命勦烏梁海以濟納彌達及台吉阿哩雅根敦羅卜藏三

扎薩克兵皆習戰請令隨勦

諭選兵赴調雍正二年卒子特克什襲

一次襲特克什濟納彌達長子雍正二年襲扎薩

克一等台吉乾隆十五年卒子烏巴什襲

二次襲烏巴什特克什長子乾隆十五年襲扎薩克一等台吉四十六年

詔世襲罔替

扎薩克一等台吉多爾濟列傳

多爾濟喀爾喀部人姓博爾濟吉特扎薩克親王善巴從弟祖丹津喇嘛父瑪哈達瓦見善巴傳多爾濟號偉徵阿海初以噶爾丹掠所部避走青海噶爾丹既滅朔漠平喇嘛商南多爾濟奏請徙歸

喀爾喀

許之授閒散台吉附善巴旗康熙五十一年編所屬丁戶
自為一旗

詔授扎薩克一等台吉雍正三年以病罷子呢瑪襲

一次襲呢瑪多爾濟長子雍正三年襲扎薩克一
等台吉十年卒子阿保襲

二次襲阿保呢瑪長子雍正十年襲扎薩克一等
台吉乾隆十八年卒無嗣

命其叔父車琳巴勒襲

三次襲車琳巴勒多爾濟次子乾隆十八年襲扎

薩克一等台吉二十五年卒子成袞扎布襲

四次襲成袞扎布車琳巴勒長子乾隆二十五年

襲扎薩克一等台吉扈

駕木蘭行圍

賜孔雀翎四十六年

詔世襲罔替

扎薩克一等台吉額墨根列傳

額墨根喀爾喀部人姓博爾濟吉特扎薩克郡王
衮布曾孫祖都噶爾扎布號岱青阿海父喇布坦
號冰圖台吉額墨根初授協理台吉隸貝勒吹扎
木三旗康熙五十九年隨大軍由布拉罕進勦準
噶爾雍正九年隨額駙郡王策凌擊賊于蘇克阿勒達
呼敗之

優賚銀幣十年復隨策凌擊賊于克爾森齊老力戰被創

賜孔雀翎乾隆二年四月以定準噶爾牧界奉

命往諭噶爾丹策凌十一月使還

召隨策凌入

覲三年正月授一等台吉

命乾清門行走三月復齋

敕諭噶爾丹策凌十二月還界定四年

上念額墨根奉使勞

詔授扎薩克十六年三月

敕禁回人入界與喀爾喀互市九月回人復至額墨根

牧乞市

諭遣還二十二年額墨根卒子達什襲

一次襲達什額墨根長子初授協理台吉扈

駕木蘭行圍

賜孔雀翎及黃馬褂

命乾清門行走乾隆十八年杜爾伯特台車凌等降

達什迎禦準噶爾追兵十九年偕同部貝子車木

楚克扎布收烏梁海宰桑察達克等衆尋擒準噶爾宰桑庫克辛禡木特及通禡木特二十年隨大軍勦達瓦齊由察罕呼濟爾選騎十三前行至塔本集賽降宰桑齊巴漢馳赴伊犁奪船渡偵達瓦齊遁由阿勒班什巴爾追之達瓦齊就擒隨大軍還二十一年三月隨郡王車布登扎布勦烏梁海賊郭勒卓輝博博等七月進征哈薩克敗阿布賚汗兵于漢塔喇斯軍旋復隨勦和託輝特逆賊青

衮咱卜二十二年襲扎薩克一等台吉二十三年四月復隨車布登扎布至伊犁捕厄魯特逸賊六月偕侍衛老格赴喀什河降厄魯特得木齊扎羅和卓六十餘戶時叛賊布庫察罕遁哈薩克達什隨車布登扎布督兵索哈薩克縛以獻

詔嘉其功

賜公品級二十五年卒子班第襲扎薩克一等台吉
二次襲班第達什長子乾隆二十五年襲扎薩克

一等台吉四十六年

詔世襲罔替

欽定外藩蒙古回部王公表傳卷之七十六

欽定四庫全書

欽定外藩蒙古回部王公表傳卷之七十七

傳第六十一

厄魯特扎薩克多羅郡王阿喇布坦列傳

今襲固山貝子

阿喇布坦厄魯特人準噶爾族姓綽羅斯準噶爾

稱北厄魯特系出額斯墨特達爾漢諾顏越六傳

有呼達該圖哈喇呼勒者號多克辛諾顏子三長

巴圖爾琿台吉裔詳青海厄魯特部傳次墨爾根

岱青為阿喇布坦祖次楚琥爾烏巴什有孫曰罕
篤既降復叛事見阿拉善厄魯部傳墨爾根岱
青子二長丹津號噶爾瑪岱青和碩齊次阿海三
傳至達什達瓦嗣絕丹津子二長袞布巴圖爾系
不著次都噶爾子五長車零次達都琥次罕都次
即阿喇布坦次達瑪璘阿喇布坦以所部台吉多
同名故從其祖父稱別之曰丹津阿喇布坦又曰
都噶爾阿喇布坦初巴圖爾琿台吉游牧阿爾台

子噶爾丹嗣為厄魯特長諸台吉皆附之貢不得自奉表惟丹津得專使間歲輒遣至康熙二十二年定厄魯特貢例使入關以二百人為額

諭噶爾丹及丹津知之丹津卒都噶爾嗣乞入市

京師

諭自四厄魯特大台吉外皆市張家口永為令都噶爾卒子車零及達都琥達瑪璘皆早死罕都阿喇布坦與噶爾丹聚牧阿爾台之科布多仍各領部衆阿

喇布坦妻曰扎爾為喀爾喀右翼扎薩克圖汗成
衮女成衮子沙喇與左翼土謝圖汗察琿多爾濟
以爭屬產不相能噶爾丹誘沙喇往會阿喇布坦
察琿多爾濟率兵戕之復侵殺噶爾丹弟多爾濟
扎卜噶爾丹因與喀爾喀構兵二十七年罕都阿
喇布坦從噶爾丹侵喀爾喀由杭愛山陰至額爾
德尼昭敗土謝圖汗兵以喀爾喀內附乃還二十
九年噶爾丹復由烏達罕嶺侵喀爾喀罕都阿喇

布坦自茂密喀喇色古爾山陰以兵會有策妄阿喇布坦丹津鄂木布者皆噶爾丹兄僧格子也策妄阿喇布坦怨噶爾丹徙博囉塔拉丹津鄂木布仍附噶爾丹牧阿喇布坦善丹津鄂木布與策妄阿喇布坦交惡策妄阿喇布坦偵噶爾丹侵喀爾喀潛兵至科布多掠噶爾丹妻阿努及牲畜去噶爾丹為大軍所敗挈罕都阿喇布坦等遁歸罕都陰語阿喇布坦曰我等當入告

天朝及達賴喇嘛令噶爾丹與策妄阿喇布坦息爭否
則善自為計分處可也阿喇布坦以其謀告噶爾
丹罕都懼奔策妄阿喇布坦所阿喇布坦留事噶
爾丹尋異志噶爾丹游牧孔圭濟達琿所部屯耕
鄂爾坤阿喇布坦游牧察罕色琿所部屯耕扎布
堪哈薩克圖既而噶爾丹循克魯倫河徙牧巴顏
烏蘭強阿喇布坦往會三十五年

上親征噶爾丹

駐蹕什巴爾台

遣諭噶爾丹曰汝當親至與朕定議否則以阿喇布坦等為使時噶爾丹屯兵克魯倫之克勒和碩聞

駕至懼夜遣人赴巴顏烏蘭召阿喇布坦與議我大將軍費揚古自西路迎擊兵逼礮聲不絕所部倉皇走阿喇布坦禁之不可馳語噶爾丹曰

天朝兵威誰不之知是不可與戰噶爾丹益失所恃與俱遁至特勒爾濟口遇西路軍敗竄阿喇布坦集

殘衆赴博囉河偵噶爾丹匿塔密爾之台庫勒復
往就會丹津鄂木布以爭牧與噶爾丹隙違之約
阿喇布坦偕行阿喇布坦亦棄噶爾丹去由吉齊
根特轉徙扎布堪之濟思布隆珠爾庫珠等處與
噶爾丹相避行噶爾丹復自伯格爾察罕額爾克
遣宰桑車凌布木召之阿喇布坦不往徙牧布顏
圖果爾其屬羅卜藏班珠爾者以來歸久請說降
允之復以喀爾喀親王策旺扎布郡王衮布固魯什喜皆

阿喇布坦姻戚

詔遣屬往招之降時阿喇布坦及丹津鄂木布謀就策妄
阿喇布坦以前憾不果往

敕曰朕統大軍敗噶爾丹兵丹巴哈什哈沙克珠木等接
踵歸誠俱已授爵秩給衣食今朕復親統六師調各路
兵勦噶爾丹倘不來降必窮之于其所往爾阿喇布坦
及丹津鄂木布前雖附噶爾丹然非倡亂之人今來降
者皆云爾等與噶爾丹分析各居朕嘉爾猶知天道能

自振拔憫爾牲畜被俘衣食已絕特遣使往諭其扎薩克圖汗之子策旺扎布先經離散朕已收歸封親王爵覓爾妻母令與完聚頻加撫恤頃又擇地賜牧使安生業爾其知之敕至爾即率衆來歸前附噶爾丹罪朕不之究必待爾以富貴顯榮爾之部衆亦令妻孥完聚各得生業爾若尚有疑懼前策妄阿喇布坦使至時請朕勿討爾罪令往與會朕以策妄阿喇布坦遣使納貢敬慎有加深加憐惜爾若往附策妄阿喇布坦朕不究詰

倘不擇斯二者徵倖于額克阿喇勒洪郭爾齊斯希等
峻險之處棲身苟免朕必往討爾其早作良圖三十六
年使至授之

敕阿喇布坦及其妻告願遵

旨內徙以噶爾丹介居請徙近策妄阿喇布坦牧時丹津
鄂木布居吹地遣屬往告各使齎奏至不即降復
敕其使諭之會噶爾丹自哈薩克圖哈喇阿濟爾罕遣使
土克齊色稜達什召阿喇布坦不赴且奪召者騎

自布顏圖杲爾徙阿爾台之喀喇伊齊思呼里木
圖等處噶爾丹欲踰阿爾台至額克阿喇勒捕魚
食慮阿喇布坦襲已不果尋自殺丹津鄂木布奔
策妄阿喇布坦所阿喇布坦仍分牧游行遣使奏
請入貢

諭曰朕前聞爾與噶爾丹異處遣使諭爾來降或往依策
妄阿喇布坦聽爾自為計但不得據險竄伏兩無所歸
爾遣使諾顏格隆藏布額爾克鄂木布阿旺達什等奏

稱噶爾丹若至近地必擒執之以歸聖主朕又令爾使
齎敕往諭雖不能擒殺噶爾丹但束身來降亦必富貴
優養毋疑毋阻今爾稱蒙諭來降即欲親往入奏偕策
妄阿喇布坦同牧因臣妻疾甚是以不果往不論所居
何地自當請安進貢以此觀之爾無乞降誠意尚為首
鼠兩端計目今情事爾所灼知丹濟拉車稜等來降朕
悉加寵眷策妄阿喇布坦擒伊拉古克三呼圖克圖授
朕使令治罪爾欲他往勿復望加爾厚恩顯榮事今憐

爾無歸迫于生計欲使得所爾其熟籌之母貽悔阿喇
布坦復不即降竄齋爾納木初罕都棄噶爾丹往
就策妄阿喇布坦達都琥子達爾扎從之策妄阿
喇布坦奪其屬禁罕都及達爾扎噶爾丹滅始釋
之罕都攜戶百餘乘間脫將為內附計至齋爾納
木懼為阿喇布坦留棄其屬挈孥大雪中間道赴
巴里坤三子皆走死僅以妻女及從者七人行哈
密郭帕伯克擒之詰得狀遣使導至三十七年入

覲

諭曰爾來歸情殊可憫所挈屬衆雖少以爾父嘗納貢故仍授台吉職先是阿喇布坦屬降者

詔安置察哈爾牧曰四品官噶羅卜藏曰二等待衛瑪穆曰三等侍衛達克巴藏布及壯丁百七十餘設佐領一隸鑲黃旗以噶羅卜藏領之至是

詔罕都與同牧後授三品散秩大臣子二長索諾木如罕都職次阿喇布珠爾授三等侍衛四十一年阿喇

布坦來歸丹津鄂木布既奔依策妄阿喇布坦尋
為所禁阿喇布坦懼不赴策妄阿喇布坦掠其牧
乃徙額訥倫果爾集諸宰桑言曰我今決內面矣
遣使諾顏格隆藏布齎奏至

詔允降阿喇布坦挈屬徙策妄阿喇布坦遣族台吉大策
凌敦多卜羅卜藏琳沁等以兵二千追之阿喇布
坦列兵禦其宰桑洪科爾額爾奇木子車克擊斬
羅卜藏琳沁及兵四百餘會我使往迎大策凌敦

多卜等遁阿喇布坦率戶七百餘屯茂岱察罕度
爾遣洪科爾額爾奇木馳奏

賜御用冠服未幾入

覲京師

召見保和殿

諭曰厄魯特歸降我朝未有率人如爾之衆者爾既傾心
來歸甚屬可嘉朕所用避風石數珠最利風疾以賜爾
阿喇布坦奏臣產絕域無知昔犯

天朝每思及心膽俱裂

諭曰爾厄魯特為人多疑朕親率師至克魯倫遣使諭噶爾丹來降彼不之從故至交戰失利其時若即歸款朕亦即已前厄魯特來降者朕皆授大臣職爾等尚不之信今已優養數年各安生全雖未從征立功扈從巡涉亦常盡力今觀爾體貌健壯他日得力可知念爾遠涉勞乏且善自調攝暇日可更與爾語也

詔封多羅郡王

賜貂裘鞍馬銀幣其從者諾顏格隆藏布洪科爾額爾奇

木皆

賜達爾漢號尋

諭游牧推河阿喇布坦將行奏曰臣為策妄阿喇布坦所

掠無衣食窮困已極蒙

賜糧畜得更生今來入

覲又蒙

恩給食乘傳遣侍衛挈駝馬迎臣甫至輒

賜宴復賞

御用珍服及未經見物

天高地厚之恩此生誠不能報但期臣身及臣子孫世世
捐軀効力而已至臣屬衆志尚未寧俟數年後再
請給賜官職編設旗隊

允之四十二年

詔授扎薩克尋卒子二長車稜旺布次色布騰旺布相繼

襲

一次襲車稜旺布阿喇布坦長子尚郡主授多羅額駙康熙四十二年襲扎薩克多羅郡王先是達瑪璘妻布尼塔爾從兄額璘沁哈什哈至乞降

詔優養之子茂海及車稜從阿喇布坦來歸

詔封茂海為輔國公五十四年準噶爾襲哈密

諭車稜旺布及茂海以兵備之六十一年車稜旺布來朝

雍正元年

諭曰厄魯特公茂海從阿喇布坦來時

皇考深加養愛今在軍前輸誠効力有年著晉封固山貝子三年車稜旺布及弟貝勒色布騰旺布來朝四年理藩院奏游牧推河諸厄魯特請各設旗分佐領會準噶爾台吉噶爾丹策凌之和

詔遣散秩大臣伯四格等往勘阿爾台界即赴推河議編厄魯特旗隊尋奏以車稜旺布及色布騰旺布茂海轄所屬定四佐領

詔各給扎薩克印厄魯特凡六旗曰扎薩克多羅郡王車

稜旺布曰扎薩克多羅貝勒色布騰旺布曰扎薩克固山貝子茂海別有準噶爾扎薩克一曰固山貝子多爾濟色布騰阿拉善扎薩克一曰貝勒阿保輝特扎薩克一曰輔國公巴濟以車稜旺布領之授盟長復

諭理藩院曰厄魯特諸台吉歸順

聖祖仁皇帝特恩加授官職雖無世襲之

旨但伊等各有效力之處悉著降一等承襲如承襲之人

或能守分盡職仍將品級賞給其以此諭厄魯特知之
有烏梁海者錯處唐努山及克木克木齊克近阿
爾台汎

上以舊為喀爾喀及準噶爾屬

詔車梭旺布及喀爾喀貝勒博貝分轄之征其賦策妄阿
喇布坦請

賜歸準噶爾

上不允

詔前鋒統領定壽等屯特斯防護烏梁海復

諭車稜旺布等往

諭德意

頒賚茶布六年卒弟色布騰旺布襲

二次襲色布騰旺布阿喇布坦次子尚郡主授多
羅額駙雍正元年封多羅貝勒四年授扎薩克七
年襲扎薩克多羅郡王以貝勒爵乏嗣者

詔并兩扎薩克為一復授厄魯特盟長九年準噶爾煽內

附諸厄魯特茂海車稜等為所惑誘色布騰旺布屬從叛復助掠諸部牧畜

詔撫遠大將軍馬爾賽馳赴扎克拜達哩克防禦叛賊色布騰旺布尋奏至稱臣父阿喇布坦歸誠後世受國恩頃準噶爾賊至方欲偕茂海車稜議徙內地不意二人率臣屬管旗章京班第佐領索騰等五百餘衆叛就噶爾丹策凌臣義不肯貳率宰桑等及兵百餘侍

命

諭曰色布騰旺布素為朕所嘉與今感戴朕恩竭力保護所屬游牧人等不致妄動具奏請旨可嘉可憫著理藩院遣人照視酌量嚴密之處速行徙牧明年色布騰旺布奏臣有宰桑十四屬戶四百二十以避痘不敢至內地若不徙又鄰準噶爾界乞

施恩令徙喀爾喀河附近地

允之復

諭曰宰桑等不隨逆賊誠心歸附其主甚屬可嘉色布騰
旺布感念朕恩不為準噶爾賊所誘有逃竄者復能竭
力追勦著加恩賞色布騰旺布銀千兩宰桑等銀各百
兩屬人等每戶銀十兩乾隆元年

命御前行走

賜紫轡先是車稜旺布時烏梁海隸其牧每丁納貂五
尋以烏梁海乏生計議減二別給牧畜代之七年
議政王大臣等奏色布騰旺布復征烏梁海貂五

請察議嗣逾額者罪從之十三年卒嗣子朋素克襲

三次襲朋素克祖罕都父索諾木見阿喇布坦傳
色布騰旺布以無嗣育朋素克為子乾隆十三年

議襲扎薩克

詔降襲固山貝子尋

命乾清門行走

賜雙眼孔雀翎黃馬褂十七年

詔察所屬烏梁海之出入內汛者毋得私挈蒙古衆越境二十年大軍征達瓦齊獻馬二百

詔納之軍抵伊犁茂海車稜俱前死子齊默特多爾濟密什克多爾濟烏巴什等迎降尋入

覲

諭挈戚屬附朋素克牧餘仍留伊犁二十一年和託輝特青衮咱卜叛遣逆黨伯爾格赴朋素克及烏梁海牧私調兵八百朋素克偕烏梁海達爾漢巴顏等

擒伯爾格及從者送軍

諭嘉其不附逆二十五年副都統伊柱視伊犁屯田至
海努克獲虎紐銅章一文曰管轄厄魯特後旗扎
薩克印驛封至蓋雍正四年頒給茂海物也茂海
叛挈往準噶爾獻噶爾丹策凌至是得之

詔貯內廷先是朋素克自喀爾喀河徙牧推河二十六
年定牧鄂爾坤之烏蘭烏蘇隸喀爾喀賽因諾顏
部以齊齊爾里克盟長轄之四十三年議朋素克

強取族台吉為己屬匿不報罪削扎薩克職

詔其子納木扎勒襲

四次襲納木扎勒朋素克長子乾隆三十八年扈

蹕木蘭行圍

命乾清門行走授二等侍衛三十九年

賞黃馬褂會山東壽張逆民王倫擾臨清

詔從大學士舒赫德喀爾喀親王固倫額駙拉旺多爾

濟往剿之四十三年襲扎薩克固山貝子

詔歸游牧四十六年

諭曰阿喇布坦以來降功封郡王爵其子車棱旺布色
布騰旺布相繼承襲後因色布騰旺布無嗣以其養
子朋素克降襲扎薩克固山貝子復因朋素克不稱
扎薩克職以固山貝子原品休致令伊長子納木扎
勒承襲其扎薩克固山貝子爵著加恩令世襲罔替

欽定外藩蒙古回部王公表傳卷之七十七

欽定四庫全書

欽定外藩蒙古回部王公表傳卷之七十八

傳第六十二

厄魯特扎薩克輔國公丹濟拉列傳

今襲固山貝子

丹濟拉厄魯特人準噶爾族姓綽羅斯祖巴圖爾
琿台吉父溫春台吉系詳青海厄魯特部傳初溫
春台吉與其兄噶爾丹同牧阿爾台康熙十七年
附噶爾丹表入貢二十一年復遣使至尋卒子丹

濟拉依噶爾丹二十三年偕弟達爾扎扎木揚附
噶爾丹表入貢時噶爾丹自號博碩克圖汗厄魯
特族皆隸之然性殘虐諸台吉宰桑惟善丹濟拉
與阿喇布坦丹津鄂木布格類固英信丹濟拉尤
篤有事必與謀嘗以兵從噶爾丹侵喀爾喀敗土
謝圖汗察琿多爾濟

遣使諭噶爾丹罷兵不從丹濟拉及格類固英以覆奏獻
復分兵侵喀爾喀為大軍所敗乞降遁

諭噶爾丹親來定盟否則以丹濟拉及丹津鄂木布為使
噶爾丹詭稱道遠乏糧糗弗遣復偕丹濟拉循克
魯倫河掠喀爾喀因屯牧巴顏烏蘭三十五年

上親征噶爾丹

駐蹕拖陵

遣使以兵二百齎

敕諭降至克魯倫河丹濟拉率千餘騎突至欲奪前鋒馬

我使叱曰爾等何得無禮

上率師親至矣西路大將軍費揚古亦自鄂爾坤圖拉且
來丹濟拉駭失聲馳語噶爾丹偕竄至特勒爾濟
口為西路軍所敗噶爾丹挈數騎遁丹濟拉與相
失偵匿塔密爾之台庫勒間道往會以阿喇布坦
丹津鄂木布等異志從噶爾丹至庫倫伯勒齊爾
復以兵千五百掠游牧瀚海之喀爾喀有津巴者
丹濟拉屬為喀爾喀阿爾薩蘭衛宰桑擒獻

遣歸招噶爾丹降至阿濟爾布納遇丹濟拉語之故且

曰

上遣兵分備邊汛矣丹濟拉遁詭遣察哈岱乞降聞我儲
糧翁吉謀往奪會副都統祖良璧撤兵歸行未數
里丹濟拉伺前軍過驟刼輜重祖良璧自後馳至
前軍旋擊敗走先是丹濟拉以奪糧為非計從者
曰與其餒而死不如盜而生丹濟拉強應之語曰
勿殺人但掠食耳至是為護糧軍所敗失乘騎丹
濟拉撫膺嘆曰欲向清水求魚水已濁魚終不可得

奈何率衆竄歸噶爾丹懊語曰我恃汝為命汝今
若此將何以存不得已當往哈密以馬易粟而食
既而偵我軍設哨嘉峪關外弗敢往走格格特哈
朗古特薩克薩特呼里克伯格爾察罕額爾克等
處丹濟拉說噶爾丹遣格類固英來乞降時準噶
爾諸台吉皆叛棄噶爾丹惟丹濟拉從

上不忍盡勦厄魯特衆既

遣使往招阿喇布坦及丹津鄂木布復以丹濟拉獨為噶

爾丹所信

賜噶爾丹敕以丹濟拉名次之再使

諭降至是復

遣格類固英從我使往

敕曰爾噶爾丹及丹濟拉如果引罪來降朕無異視務令
得所爾屬人等亦得各安生業朕斷不念舊惡試自計
之有能收養爾等之人否今已無所歸矣其速率屬來
降若仍悞聽匪言後悔難追毋疑毋懼三十六年春我

使至噶爾丹所宣

諭之丹濟拉私告格類固英曰我說噶爾丹降不從反疑
我爾復說之降則我為使往格類固英知噶爾丹
無降志從我使歸丹濟拉密陳欲降狀尋以責噶
爾丹僕反顏徙牧齊察蘭什爾哈戈壁等處相避
行噶爾丹復自薩克薩特呼里克竄哈薩克圖哈
喇阿濟爾罕數召丹濟拉不往

上聞之

詔察哈岱招降丹濟拉

敕曰朕為天下元后善善惡惡乃至理也前遣格類固英等歸敕內開載爾名復使格類固英傳諭爾降今格類固英等至爾之辭意皆已備陳爾今能致噶爾丹降必當封爾為多羅貝勒畀以殊榮如不能致爾但束身來歸亦不失爾富貴況爾屬人乞降者朕皆宥罪顯榮優養爾應悉聞往咎槩不介意爾曾密奏若宥罪臣即歸誠故特專賜爾敕盡宥爾罪朕為大君豈改成命會

噶爾丹召丹濟拉以私恩不忍絕復往會於阿察
阿木塔台噶爾丹尋自殺丹濟拉以噶爾丹骸及
女鍾齊海至巴雅恩都爾遣齊奇爾宰桑詣大將
軍伯費揚古營告降以前不速降故懼討復馳竄
布隆吉爾為待

命計傾副都統阿南達設備奔巴里坤憊甚集從者議所
向咸稱留處便先是噶爾丹兄子策妄阿喇布坦
與噶爾丹修怨徙博囉塔拉達爾扎扎木揚等皆

從之丹濟拉以附噶爾丹故與策妄阿喇布坦交
惡至是謂從者曰爾等徒自謀耳若策妄阿喇布
坦知而阻我則難為計矣因游行博克達額琳哈
畢爾噶境至濟木薩遇策妄阿喇布坦之郭蠻喇
嘛將以兵拒給之曰噶爾丹已歿吾欲往投策妄
阿喇布坦其遣爾屬偕我使往郭蠻喇嘛撤兵丹
濟拉遣從者土克齊哈什哈偕郭蠻喇嘛使達爾
漢宰桑往告策妄阿喇布坦而自偕郭蠻喇嘛駐

待德伯色克

上以丹濟拉既乞降復竄徙

詔策妄阿喇布坦擒獻策妄阿喇布坦憾丹濟拉且慮討
不聽

命罪遣族台吉大策凌敦多卜等兵擊之齊奇爾宰桑既
乞降費揚古遣入

覲復令準噶爾降人丹巴哈什哈往諭丹濟拉曰爾來歸
甚善所需糧騎若何當遣往何不輕身先至令屬

衆自後徐行丹巴哈什哈至巴雅恩都爾則丹濟
拉竄已久察哈岱奇齊爾宰桑後先抵軍費揚古
令齋前

敕往諭不之遇復給糧騎遣往令必與丹濟拉相見始歸
抵郭蠻喇嘛所授之

敕丹濟拉乃決降志挈裝徙就道大策凌敦多卜以兵至
掠噶爾丹骸及鍾齊海去丹濟拉馳赴哈密子多
爾濟色布騰為大策凌敦多卜兵所掩與相失越

九日乃至達爾漢伯克額貝都拉迎諸境遣子郭
帕伯克護至內汛時

上幸塞外

遣官往迎

駐蹕可汗特穆爾嶺丹濟拉至

召入

行幄屏左右

垂詢移時始

命出

詔以丹濟拉為內大臣多爾濟色布騰為一等侍衛其從
衆置張家口外視可用者給軍糧丹濟拉出語曰
我乃叛逆罪人窮始來歸

皇上略不致疑屏侍臣召入見且蒙

恩授顯爵

聖主至勇至仁如此令我誠心感戴永不敢異志矣三十

七年

詔隸察哈爾正黃旗曰三品官楚魯克曰六品官都喇圖
什賁唐古特及壯丁百有十僕役四十皆丹濟拉
屬之來歸者也以多爾濟色布騰為佐領領之四
十四年

詔封丹濟拉為扎薩克輔國公四十五年

諭赴牧推河偕郡王車稜旺布偵防準噶爾賊蓋自是不
復隸察哈爾旗四十七年卒子多爾濟色布騰襲
一次襲多爾濟色布騰丹濟拉長子康熙四十七

年襲扎薩克輔國公五十三年來朝扈

蹕避暑山莊

賜鞍馬銀幣五十四年準噶爾掠哈密境

詔兵備之會準噶爾敗於哈密遁走多爾濟色布騰駐防

杭愛招降準噶爾屬貢楚克臧布等內附雍正元

年

詔晉封固山貝子

賜三眼孔雀翎三年來朝八年晉多羅貝勒

詔從靖邊大將軍傅爾丹駐防科布多丹濟拉之來歸也
為大策凌敦多卜所掠攜衆至僅百餘後

賜牧推河給來歸諸厄魯特衆九年大策凌敦多卜遣使
攜書誘多爾濟色布騰往附諜者獲之以獻

諭廷臣曰此準噶爾反間計也多爾濟色布騰受朕恩甚
重伊亦感激効力豈肯墮其術中但伊游牧人等原非
伊之舊屬與伊不睦若仍在喀爾喀地游牧難以居住
爾等其以準噶爾書示多爾濟色布騰觀之令伊父子

向內徙牧朕自加恩給與產業時多爾濟色布騰謀準
噶爾兵襲推河謀內徙有台吉索諾木吹濟者誘
其屬戶四十餘叛赴準噶爾多爾濟色布騰至靖
邊大將軍順承親王錫保軍訴稱屬衆難信請徙
歸化城錫保以

聞

詔游牧西喇穆稜未幾以疾請徙牧巴林及科爾沁界
諭曰爾屬衆俱係厄魯特若與內扎薩克等游牧錯處將

來彼此不睦別生事端亦未可定已經居定之處不可
頻頻移徙屬衆亦甚勞苦人之壽算俱有定數豈可因
自疑故即欲徙牧乎爾今聆此諭旨省悟之後亦應自
笑其愚也乾隆二年卒子三都布降襲固山貝子

二次襲三都布多爾濟色布騰長子乾隆二年襲
扎薩克固山貝子十九年

命乾清門行走


賜雙眼孔雀翎黃馬褂二十年大軍征達瓦齊獻馬百

詔納之二十五年卒嗣子貢楚克邦襲

三次襲貢楚克邦三都布嗣子乾隆二十六年襲
扎薩克固山貝子先是三都布自西喇穆稜徙牧
喀爾喀河貢楚克邦復徙牧推河是年始定牧鄂
爾坤之烏蘭烏蘇隸喀爾喀賽因諾顏部以齊齊
爾里克盟長轄之四十六年

諭曰丹濟拉雖以窮蹙來降嗣因奮勉効力封扎薩克
固山貝子其子孫相繼襲爵貢楚克邦雖為三都布

嗣子朕既允其襲爵著加恩令世襲罔替



欽定外藩蒙古回部王公表傳卷之七十八

欽定四庫全書

史部

欽定外藩蒙古回部王公表傳卷

七十九至
八十三

主事_臣陳若霖覆校

總校官編修_臣倉聖脉

欽定四庫全書

欽定外藩蒙古回部王公表傳卷之七十九

傳第六十三

阿拉善厄魯特部總傳

阿拉善厄魯特部至

京師五千里東界寧夏西界甘州南界涼州北界瀚
海袤延七百餘里即賀蘭山地駐牧蒙古系出元

太祖弟哈布圖哈薩爾與和碩特同族和碩特舊

為四厄魯特之一故稱厄魯特部哈布圖哈薩爾
十九傳至圖魯拜琥號顧實汗有子巴延阿布該
阿玉什兄拜巴噶斯初育以為子後自生子二長
鄂齊爾圖次阿巴賴游牧河西套稱西套厄魯特
巴延阿布該阿玉什號達賴烏巴什子十六居西
套者曰和囉理曰墨爾根曰額爾克曰都喇勒曰
哈什哈曰陀音曰土謝圖羅卜藏曰博第曰多爾
濟扎布曰諾爾布扎木素曰愛博果特曰鄂木布

和囉理號巴圖爾額爾克濟農以來歸授扎薩克
賜牧阿拉善諸昆弟子姓隸之其居青海者曰扎布曰阿
南達曰伊特格勒曰巴特巴扎布授扎薩克領其
族見青海厄魯特部傳鄂齊爾圖號車臣汗子三
長額爾德尼子噶爾亶多爾濟次噶爾第巴子羅
卜藏衮布阿喇布坦次伊拉古克三班第達呼圖
克圖後皆絕嗣阿巴賴裔為準噶爾所掠故不著
順治四年鄂齊爾圖遣使貢駝馬六年阿巴賴繼

至七年鄂齊爾圖使至以喀爾喀煽蘇尼特部長
騰機思叛奏稱力能鋤逆當相機為之否則亦必
修貢如初不敢稍萌異志

諭絕喀爾喀勿私通好嗣是額爾德尼噶爾第巴伊拉古
克三班第達呼圖克圖及所部台吉宰桑等朝貢
至者相接準噶爾台吉噶爾丹游牧阿爾台號博
碩克圖汗覬為厄魯特長鄂齊爾圖妻以孫女阿
努尋與隙康熙十六年噶爾丹以兵襲西套戕鄂

齊爾圖破其部鄂齊爾圖妻曰多爾濟喇布坦與
喀爾喀墨爾根汗額列克妻皆土爾扈特汗阿玉
奇女兄也額列克孫察琿多爾濟號土謝圖汗偵
噶爾丹侵鄂齊爾圖兵援之不及多爾濟喇布坦
奔土爾扈特噶爾丹遣使獻俘

諭曰鄂齊爾圖汗與噶爾丹向俱納貢今噶爾丹侵殺鄂
齊爾圖獻所獲弓矢等物朕不忍納也其却之西套厄
魯特既潰或奔依達賴喇嘛或被噶爾丹掠去和

囉理率族屬避居大草灘廬幙萬餘守汛者遣之
去仍逐水草徙戀處邊外有楚琥爾烏巴什者噶
爾丹叔父也子五長巴哈班第次阿南達次羅卜
藏呼圖克圖次聲章次羅卜藏額琳沁噶爾丹以
私憾襲殺巴哈班第執楚琥爾烏巴什及羅卜藏
額琳沁等禁之巴哈班第子罕都為和囉理甥時
年十有三其屬額爾德尼和碩齊攜之逃以兵四
百掠烏喇特戶畜竄就和囉理居額濟內河喀爾

喀台吉畢瑪里吉哩諦偵以告會青海墨爾根台
吉等察獻額爾德尼和碩齊所掠

遣使詰知為準噶爾屬

諭噶爾丹捕額爾德尼和碩齊治罪并收和囉理歸牧或
非所屬當以告二十二年噶爾丹奏和囉理等歸
達賴喇嘛已遣使召請以丑年四月為限是年蓋
歲在亥二十三年罕都偕額爾德尼和碩齊遣使
貢請宥掠烏喇特罪而和囉理戚屬嘗掠茂明安

諸部牧產前以服罪故宥之至是

諭曰和囉理既免罪額爾德尼和碩齊等著一體宥赦所
貢准上納先是羅卜藏衮布阿喇布坦避噶爾丹走唐
古特以達賴喇嘛言表請

賜居龍頭山轄西套遺衆

命兵部督捕理事官拉都琥往勘奏言龍頭山蒙古謂之
阿拉克鄂拉乃甘州城北東大山脉綿延邊境山
口即邊關建夏口城距潢川堡五里山盡為寧遠

堡距龍頭山里許有昌寧湖界之內地兵民耕牧
久似不宜令新附蒙古居

上可其奏羅卜藏衮布阿喇布坦尋徙牧布隆吉爾土謝
圖汗察琿多爾濟以女妻之事

聞

諭廷臣曰前鄂齊爾圖汗為噶爾丹所戕其孫羅卜藏衮
布阿喇布坦往求達賴喇嘛指授所居之地達賴喇嘛
令駐牧阿拉克鄂拉因以為請鄂齊爾圖汗從子和囉

理前沿邊駐牧曾檄噶爾丹收取之今羅卜藏衮布阿喇布坦與喀爾喀互相犄角噶爾丹欲以兵向和囉理等則恐喀爾喀躡之欲以兵向喀爾喀則恐和囉理等襲之此必非噶爾丹所能收取也二十四年和囉理請賜敕印鈐部衆廷臣以游牧未定議不允

諭曰和囉理等以避亂故離其舊牧來至邊境劫掠茂明安烏喇特諸部本應即行殄滅朕俯念鄂齊爾圖汗世奉職貢恪恭奔走兼之彼亦迫於饑困是以宥其罪戾

又羅卜藏衮布阿喇布坦係鄂齊爾圖汗孫為和囉理
從子應令聚合一處其遣官往諭朕旨度可居地歸併
安置封授名號給賜金印璽書以示朕興滅繼絕至意
理藩院尚書阿喇尼遵

旨往諭和囉理奏

皇上令臣等聚處乃殊恩達賴喇嘛亦謂羅卜藏衮布阿
喇布坦居布隆吉爾地隘草惡不若與臣同處臣
等欲環居阿拉克山陰遏寇盜靖邊疆令部衆從

此地而北當喀爾喀台吉畢瑪里吉哩諦牧地由
噶爾拜瀚海額濟內河姑喇奈河雅布賴山巴顏
努魯喀爾占布爾特洪果爾鄂隆以內東倚喀爾
喀丹津喇嘛牧西極高河居之奏至

遣使諭達賴喇嘛曰噶爾丹滅鄂齊爾圖汗時和囉理及
羅卜藏衮布阿喇布坦等紛紜離散來至邊境又以生
計窘迫妄行劫掠朕宥其罪不即發兵勦滅和囉理等
亦戴朕恩屢請勅印依朕為命朕前諭噶爾丹收取彼

約以丑年四月為期今逾期已數月矣伊等骨肉分離
散處失所朕心殊為惻然鄂齊爾圖汗于爾喇嘛為護
法久矣何忍漠視其子孫宗族至於窮困今朕欲將伊
等歸併安置爾喇嘛其遣使與朕使偕往定議二十五
年達賴喇嘛奏已遣使

遣拉都琬往會勘

諭曰爾等召集和囉理羅卜藏衮布阿喇布坦等相視可
以游牧地指給定所其額爾德尼和碩齊等如欲與和

囉理同牧亦許之前和囉理已自誓不復令屬衆為非
其羅卜藏衮布阿喇布坦亦須嚴禁所屬和睦安居爾
等可與和囉理等定沿邊為盜作亂之罰朕所以不憚
諄切訓諭者亦以其先世恭順有年不欲令子孫失所
也倘伊等復流亡他徙殊負朕歸併眷恤之意矣拉都
琥偕達賴喇嘛使約和囉理至東大山北語之曰
爾所請噶爾拜瀚海地聽爾游牧外自寧夏所屬
玉泉營西羅薩喀喇山嘴後至賀蘭山陰一帶布

爾哈蘇台口又自寧夏所屬倭波嶺塞口北努渾
努魯山後甘州所屬鎮番塞口北沿陶蘭泰薩喇
椿濟雷琿希理等地西向至額濟內河俱以距邊
六十里為界畫地識之定議蒙古殺邊民論死盜
牲畜奪食物者鞭之私入邊游牧者台吉宰桑各
罰牲畜有差所屬犯科一次罰濟農牲畜以五九
時罕都及額爾德尼和碩齊請與和囉理同牧羅
卜藏衮布阿喇布坦偵其女兄阿努攜兵千赴藏

道嘉峪關外懼襲已備之以故未即徙拉都琥奏
至

詔以所定地域及罰例檄甘肅守臣知之蓋自是和囉理
屬始定牧阿拉善二十七年噶爾丹侵喀爾喀和
囉理欲往援察琿多爾濟乞師於

朝時

諭噶爾丹罷兵使已就道

詔不允和囉理請而羅卜藏衮布阿喇布坦自率兵援喀

爾喀遇我使於道宣

諭之亦撤歸布隆吉爾察琿多爾濟尋為噶爾丹所敗

上復遣使諭噶爾丹將行

命之曰噶爾丹若問和囉理事爾等宜述丑年之約并言
達賴喇嘛內雖遣使定議今和囉理與羅卜藏衮布阿
喇布坦歸併安置迄今尚未同居和囉理雖駐牧邊地
亦未編設旗隊前喀爾喀與厄魯特交惡和囉理曾請
兵討爾朕仍諭遣之曰朕欲使爾等安處游牧而已豈

肯給爾兵耶其以是告之令罷兵噶爾丹不從二十八
年以羅卜藏衮布阿喇布坦卒

賜賻祭其妻及宰桑等請召噶爾亶多爾濟轄部衆

允之時噶爾亶多爾濟游牧準噶爾界

諭曰羅卜藏衮布阿喇布坦率屬內附所遺部衆恐致流
亡噶爾亶多爾濟尚幼召之恐未即至著和囉理前往
布隆吉爾暫為約束人民俟噶爾亶多爾濟至仍歸本
地務期共相扶掖勿侵據所部衆噶爾亶多爾濟以所

部饑告不即徙

詔授諾顏號

遣侍讀學士達琥

諭恤所部貧民其母珠木蘇攜噶爾亶多爾濟至

詔轄羅卜藏袞布阿喇布坦衆附阿拉善牧有拜達者罕

都屬也偕額爾德尼和碩齊誘其主棄和囉理私

以厄魯特兵千掠邊番守汎者責之為所戕且抗

官軍甘肅提督孫思克以兵屯邊將勦之罕都懼

乃降

詔宥罪仍駐牧阿拉善其叔父羅卜藏額琳沁尋自準噶爾至奏為噶爾丹所禁十餘年以準噶爾與喀爾喀戰乘間脫挈孥屬千餘至乞與兄子罕都同居允之三十年和囉理以不遵

旨徙牧歸化城懼大軍討叛遁噶爾亶多爾濟羅卜藏額琳沁罕都等從之分道竄將軍尼雅漢等招降噶爾亶多爾濟屬納木喀班爾等五十餘戶和囉理

女弟之夫克奇及從者二十一人以

聞

詔安置歸化城時和囉理弟博第游牧中衛邊外距阿拉善三百餘里聞其兄叛遁欲往會偵副將陳祚昌等屯昌寧湖遣子索諾木至軍詭稱假道詣南山否則請牧馬昌寧湖祚昌知為緩軍計令挈屬至歸化城不從擊之斬五百餘級博第僅以身免走伊巴賴遇和囉理屬台吉齊奇克假糧馬竄額濟

內河三十一年和囉理悔罪降

命仍牧阿拉善羅卜藏額琳沁罕都齊奇克等從和囉理
降尋復叛走提督孫思克以兵追至庫勒圖斬四
十餘級齊奇克就擒

詔宥死附和囉理牧羅卜藏額琳沁罕都逸遇自青海來
歸之喀爾喀台吉阿海岱青班第掠其貲復竄哈
密羅卜藏袞布阿喇布坦有女弟曰阿海始與策
妄阿喇布坦議婚噶爾丹奪之策妄阿喇布坦怒

棄噶爾丹徙額琳哈畢爾噶

上聞之

遣員外郎馬建齋

勅諭絕噶爾丹道哈密羅卜藏額琳沁罕都等偕噶爾丹
屬圖克齊霍什哈哈爾海達顏額爾克以兵劫之
由大草灘毀邊垣遁為青海台吉額爾德尼納木
扎勒所擊走死三十三年和囉理弟博第率屬百
餘降乞仍與兄同牧

許之

命輯所屬潰散者未幾齊奇克復叛遁和囉理遣所部莽
奈霍什哈等以兵追諸耨爾格山諭之降不從擊
斬之三十五年所部兵隨西路大軍敗噶爾丹於
昭莫多副都統阿南達奉

命設哨以和囉理屬布爾噶齊達爾漢宰桑瑪賴額爾克
霍什哈齊勞墨爾根薩里呼納沁齊倫琿塔漢占
霍什哈布達哩杜喇勒和碩齊等分屯額布格特

阿木格特昆都倫額濟內及布隆吉爾之博羅椿
濟教齊喀喇莽奈諸地時噶爾亶多爾濟竄徙嘉
峪關外有哨卒拜格者其屬也阿南達召至遣歸
說噶爾亶多爾濟曰

上待汝恩甚厚將撫育之顧叛逃可乎和囉理棄牧時汝
不能戢屬故從往

上灼知汝情念汝祖鄂齊爾圖汗將玉成汝汝其思之噶
爾亶多爾濟遣告曰

上念臣祖臣兄令臣與和囉理接壤居臣無知從和囉理
叛遁今悔罪欲死臣幼臣母一婦人未能達乞以
情代奏阿南達欲堅內附志遣使歸約如期會肅
州諭設哨援哈密復檄哈密伯克額貝都拉曰噶
爾丹至汝地汝即召噶爾亶多爾濟往援勿復疑
噶爾亶多爾濟遣宰桑阿約等齎降表至肅州會
上視師寧夏阿南達馳䟽至

詔優恤所部衆三十六年噶爾亶多爾濟詣阿南達告曰

噶爾丹不共戴天讐也願効力從戎答

殊恩且復私讐軍事歲乃入

覲阿南達以

聞

允之噶爾丹遣使說噶爾亶多爾濟曰爾姊阿努存日言
必以我女鍾齊海妻爾今阿努歿爾娶我女與否
其自為計策妄阿喇布坦貽之書曰我等向為姻
戚噶爾丹行不義致棄前好今遣使招爾特為誑

爾計爾勿妄從未幾唐古特部第巴煽青海諸台
吉盟察罕托羅海繕軍械助噶爾丹檄噶爾亶多
爾濟以兵往辭不赴遣使俄濟通問策妄阿喇布
坦自携兵百會阿南達於布隆吉爾阿南達偵噶
爾丹死其從子丹濟拉竄瀚海遣噶爾亶多爾濟
屬輝特台吉羅卜藏等馳赴噶斯而自偕噶爾亶
多爾濟以兵繼之至色爾滕值俄濟歸以丹濟拉
將自郭蠻喇嘛所往附策妄阿喇布坦告因檄噶

斯兵遣噶爾賈多爾濟仍赴布隆吉爾設哨其屬
阿勒達爾霍什哈恭格等煽之叛至西欣驛劫駝
馬奉母珠木蘇由喀喇烏蘇遁阿南達遣兵四百
追之不及招降其屬茂海烏訥恩巴圖爾阿喇木
扎木巴阿喇木班及輝特台吉羅卜藏等遣歸阿
拉善羅卜藏後徙牧喀爾喀即附扎薩克圖汗部
之厄魯特扎薩克也是年和囉理以所部數叛請
視四十九旗例編佐領廷臣議徙烏喇特界

諭曰若將和囉理移牧近地則沿邊別部蒙古甚多豈可盡徙且治蒙古貴得其道不係地之遠近著停徙仍游牧阿拉善地給扎薩克印復以噶爾亶多爾濟竄赴準

噶爾

勅策妄阿喇布坦曰噶爾亶多爾濟率衆來降安置耕種今忽留其屬人棄禾私遁其中必有不得已之情務即察明具奏朕於噶爾亶多爾濟畧無責備之意且降旨收集其遺衆倘往汝地汝可善為撫恤如欲內徙即行

遣歸時噶爾賈多爾濟陽附策妄阿喇布坦陰貳之策
妄阿喇布坦將侵哈薩克噶爾賈多爾濟詭以兵
從中道遁庫車為回衆所殺母珠木蘇攜屬九百
餘奔青海部青海諸台吉以獻

詔安置什巴爾台隸察哈爾雍正二年大軍定青海王大
臣等議阿拉善為寧夏邊外要地青海顧實汗諸
子裔舊皆游牧山後今或徙山前請

勅阿拉善扎薩克郡王阿寶飭青海衆歸牧山後

允之阿寶奏臣祖顧實汗歸誠內附百年於茲受

天朝恩甚厚前青海昆弟阻兵構亂上千

天討臣當束身受誅重荷

恩宥令安游牧感激莫報乞

賜青海曠地令臣鈐諸部不復萌異志

詔以青海貝子丹忠所遺博囉克克牧地給之并

諭撫遠大將軍年羹堯遣員齎餉助徙牧博囉克克者

即漢書地理志所稱潢水也七年阿寶以博囉克

克克牧地隘擅請徙烏蘭穆倫及額濟內河界議
罪削爵尋

命復之

詔仍歸阿拉善牧不復居青海乾隆二十一年二等台吉
達瓦車稜從大軍勦厄魯特竄黨遇伏於博囉齊
奮擊之陣歿

詔議卹入祀昭忠祠先是阿寶屬達瑪琳從靖邊大將
軍傅爾丹擊準噶爾於和通呼爾哈諾爾為所掠

至是携孥及屬布庫勒等四十戶詣都統雅爾哈
善軍請歸阿拉善舊牧

詔如所請從衆仍置伊犁二十四年以台吉達瓦佐領
布岱等勦嗎哈沁及逆回布拉呢敦霍集占功

詔優賚之所部旗一爵三曰扎薩克和碩親王由貝勒
晉襲附鎮國公二一由貝子降襲一由輔國公晉
襲

欽定外藩蒙古回部王公表傳卷之七十九

欽定四庫全書

欽定外藩蒙古回部王公表傳卷之八十

傳第六十四

扎薩克多羅貝勒和囉理列傳

今襲和碩親王

和囉理厄魯特人和碩特族姓博爾濟吉特號巴

圖爾額爾克濟農初駐牧西套隸鄂齊爾圖汗嗣

鄂齊爾圖汗被難和囉理徙牧大草灘遣使至靖

逆將軍張勇所稱避難赴青海以邊外道遠乏水

草請由內地行張勇遵

旨諭由水泉過邊和囉理戀牧大草灘草盡北徙不果赴
青海偵噶爾丹屯布隆吉爾慮襲已由雙井避入
內地甘肅提督孫思克請率兵禦時張勇屯甘州
諭令親視出邊和囉理謝去徙牧額濟內河界遣宰桑博
克等奉表至思克營服罪康熙十八年

詔兵部督捕理事官拉都琥赴和囉理所詰掠烏喇特諸
部罪先是厄魯特衆避噶爾丹侵分牧邊外額爾

德尼和碩齊私掠烏喇特和囉理弟土謝圖羅卜
藏等復掠寧夏及茂明安鄂爾多斯諸部和囉理
未之知也拉都琥往勘遣召額爾德尼和碩齊至
詰責之察歸所掠之未售者十八人復獻馬百餘
為弟請罪

諭曰和囉理既未行劫可勿罪二十年遣使入貢

詔納之二十一年補解馬至其母格楚爾哈屯弟土謝圖
羅卜藏博第等各遣使從奏荷

帑蒙居邊境屬衆妄行盜竊深悔罪又游牧邇寧夏乞

允赴市理藩院議償缺解馬仍照例治罪

諭曰和囉理等以敗竄來至邊境所部固知法紀迫于饑

困盜竊牲畜等物今既陳其苦情諄諄奏請著寬免前

罪嗣後鈐束屬衆勿得妄行滋事其寧夏地內無厄魯

特喀爾喀市易例所請不允二十二年和囉理徙牧河

岸逼鄂爾多斯貝勒松喇布以

聞

諭退歸二十四年冬和囉理率屬七百餘來朝

詔以二百人入關為額餘留歸化城給羊及宣府貯米贍
之二十五年正月至京

賞宴視大台吉例

召覲以

御服貂裘賜之

諭曰爾祖顧實汗于

太宗文皇帝時偕達賴喇嘛輸誠通款爾叔父鄂齊爾圖

汗當

世祖章皇帝時每年遣使請安所貢土產白鷹朕猶及見之夫貢物何足珍賞特鑒其誠敬耳爾厄魯特內亂噶爾丹攻滅鄂齊爾圖汗遣使獻俘朕念鄂齊爾圖汗前此勉修誠悃條爾敗亡不勝軫恤何忍受之因諭却所獻項爾為噶爾丹擊敗奔至邊境劫掠沿邊居民牧產朕何難遣兵勦除明正爾罪念爾昔時頗竭誠悃復引罪自首以迫于饑困屬衆妄行等情陳奏朕即宥爾罪

今若徙爾于邊境內外不拘安置何地爾焉敢不凜遵
特念爾祖顧實汗爾叔父鄂齊爾圖汗素致恭謹故俾
爾絕者復繼散者復聚欲使鄂齊爾圖汗孫羅卜藏衮
布阿喇布坦與爾聚處尚其共相輯睦善自安業爾等
聚處與否在朕本無損益惟是朕為天下主凡在函蓋
咸欲使之共樂昇平朕茲諭旨自爾身及爾子孫當世
世念之勿替尋

遣歸

賜牧阿拉善地三十年以噶爾丹侵喀爾喀逼阿拉善境
諭內徙會其部衆掠喀爾喀丹津額爾德尼牧畜有拒者
輒格殺之事

聞

上以和囉理仍留阿拉善牧將不靖
詔遣官徙至歸化城將置察哈爾復
諭寧夏兵防護之將軍尼雅漢等聞

命旬餘始赴和囉理以駐牧阿拉善久不願內徙聞大兵

將至懼討率衆竄詭稱駐西喇布里圖待命尼雅
漢遣諭曰大兵來非討汝以徙汝歸化城虞中道
為喀爾喀擾故耳汝若此豈不悖哉和囉理不從
尼雅漢追至庫克布里圖不及以所部牧畜歸

詔給丹津額爾德尼復

諭曰朕思黃河冰凍時恐和囉理等以流兵掠我西界喀
爾喀其令鄂爾多斯烏喇特喀爾喀各整兵備之和囉
理既叛遁尋悔罪挈屬二千餘棲牧額濟內河之

明安雅瑪圖

上聞之

諭曰前和囉理來歸朕給地安置不思圖報反劫內附喀爾喀因令徙居察哈爾復違命遠竄朕以內加養育並無執殺之意彼欲游牧何地惟其所擇但不得擾害邊塞耳明年將軍瑪拉等遣侍衛阿南達往招之和囉理乞降且請遣子來朝

諭曰和囉理雖悔罪或因時序不宜馬匹羸瘠不得已乞

降遣子至往返之際馬匹休息又復為遁逃計其共商
徙入內地策瑪拉奏和囉理感

仁恩不忍恃棄前遣使陳情以道阻未達故招檄甫至不
自疑臣親率和囉理及色目五十餘人至寧夏其
屬衆餒甚請

給糗糧令鄂爾多斯蒙古送至歸化城
允之

上知其內附誠

諭入覲和囉理偕次子玉木楚木馳至泣服罪

詔撤鄂爾多斯諸部備兵唐古特部第巴偽為達賴喇嘛
奏請以和囉理徙牧青海

勅責之三十三年和囉理上書自理稱前鄂齊爾圖汗歲
納貢噶爾丹興兵襲臣不獲已挈衆內徙自

賜牧阿拉善後富且安臣前入

覲蒙

恩以鄂齊爾圖汗進貢往來時諸密

旨遣官傳諭臣至今銘不忘後使臣徙內地臣畏大兵威
且屬衆潰故未即至然臣雖奔遁不敢負

聖恩留處邊外望

綸音如重生臣以族屬困餒不獲內徙請

賜牧舊地蒙

恩允許又察臣戚屬令完聚臣願集游牧衆捐軀効力向
以無知失信每念及懊欲死乞

賜鑒恤

上慰諭之三十五年大軍既敗噶爾丹所部卒分屯設哨
和囉理復督兵千餘赴阿爾台之土魯圖防緝之
三十六年遣達爾漢噶布楚車臣宰桑等赴青海
收諸戚屬抵鎮海堡私向我守臣乞糧騎不之給
訴所屬乏牲畜恐困斃不獲至游牧

詔如所請給是年

詔封和囉理為多羅貝勒授扎薩克印轄其衆四十二年
上幸西安和囉理迎

覲臨潼縣扈

蹕閱駐防兵

賜宴

優賚銀幣四十六年卒子六長巴圖先卒子恭格阿喇布

坦由協理台吉晉輔國公後傳襲故不立傳次玉

木楚木封輔國公別有傳次阿寶襲扎薩克次齊

木特次布木為間散台吉次丹津索諾木為協理

台吉

金史卷八十一
一次襲阿寶和囉理第三子康熙四十三年尚郡
主授和碩額駙

賜第京師

命御前行走四十八年襲扎薩克多羅貝勒

遣歸游牧五十四年準噶爾掠哈密

詔以阿寶為右衛將軍費揚古叅贊率所部兵五百赴推

河會準噶爾敗于哈密遁走

詔仍以叅贊往會西安將軍席柱等駐巴里坤襲擊準噶

爾于伊勒布爾和碩阿克塔斯烏魯木齊諸地皆
克捷五十九年自己里坤赴青海叅贊平逆將軍
延信軍敗準噶爾賊于卜克河齊諾郭勒綽瑪喇
等處護達賴喇嘛入藏六十年

詔統兵五百駐藏地為署理定西將軍公策旺諾爾布叅
贊雍正元年議撤駐藏軍會青海羅卜藏丹津叛
詔諸路蒙古兵聽撫遠大將軍年羹堯檄調時阿寶自藏
歸年羹堯忌其功復以身為大將軍蔑視之奏阿

寶所率兵不堪用且身有疾應遣歸游牧未幾阿
寶來朝

上憫其勞

慰諭之

詔封多羅郡王

賜銀萬兩二年以青海亂定

詔徙牧往轄其衆七年議擅請牧地罪削郡王爵仍留多

羅貝勒八年

詔率所部兵會西路大軍于巴里坤進擊準噶爾甫就道
噶爾丹策凌遣使乞和

諭聽調勿遽進未幾準噶爾襲我西路軍

詔以內扎薩克赴調噶斯兵千聽阿寶轄力能勦準噶爾
即率往否則入邊偕綠旗兵防內汛既而其子衮
布擊準噶爾敗遁阿寶乃自軍所歸阿拉善牧九
年

諭嘉之

詔復郡王爵乾隆四年卒子三長袞布封固山貝子先卒
次羅卜藏多爾濟襲扎薩克次拉爾濟旺舒克襲
固山貝子別有傳

二次襲羅卜藏多爾濟阿寶次子乾隆四年襲扎
薩克多羅貝勒十五年尚郡主授多羅額駙二十
年以所部兵五百從西路軍征達瓦齊於伊犁達
瓦齊就擒定北將軍班第遣歸牧阿睦爾撒納叛
逆黨克什木等擾伊犁羅卜藏多爾濟請仍以兵

五百赴西路軍

諭駐牧聽調二十一年

詔羅卜藏多爾濟以兵千赴北路從定邊左副將軍親
王成衮扎布勦和託輝特逆賊青衮咱卜兵甫備
北路軍歲功

詔仍選兵五百赴西路羅卜藏多爾濟聞

命自游牧備駝馬餼糧馳抵巴里坤軍

獎賜茶幣二十二年偵阿睦爾撒納由博羅塔拉走阿

卜克特偕副都統愛隆阿等分道馳擊抵塔爾巴
噶台謀輝特逆賊巴雅爾伏嶺險捕之賊遁尾六
日次愛登蘇哈薩克兵二百餘遮道羅卜藏多爾
濟等僅數騎鏖擊之哈薩克懼乞降巴雅爾尋就
擒

詔晉封多羅郡王授叅贊大臣二十三年從定邊右副
將軍郡王車布登扎布勦叛賊哈薩克錫喇及布
庫察罕等抵和洛霍斯賊據岡拒驟擊之獲布庫

察罕兄阿都齊進兵哈魯勒托羅海偵布庫察罕
由庫克烏蘇走哈薩克將往索定邊將軍兆惠檄
以兵屯阿勒坦額默勒勒喀喇沁宰桑恩克圖等
於庫隴癸嶺恩克圖就擒哈薩克尋以布庫察罕
獻

命羅卜藏多爾濟歸牧暫休固請留軍已病足
上憫之

慰令歸牧

賞三眼孔雀翎二十四年以大軍勦逆回布拉呢敦霍

集占獻羊五千請助

詔給值

賜幣及佩飾大軍旋遵

旨攜所部弁兵與飲至宴

詔圖形

紫光閣

御製贊曰渭陽所出孔薩穎材命帥本部宣力龍堆及

愛隆阿軍騎見虜降哈薩克厥功甚鉅三十年

詔晉封和碩親王

賞元狐裘及黃轡三十八年獻野羴

御製詩紀之四十六年督兵五百赴蘭州隨大軍勦薩

拉爾逆回於華林寺四十七年

詔世襲罔替四十八年卒子旺沁班巴爾襲

三次襲旺沁班巴爾羅卜藏多爾濟長子尚郡君

授固山額駙郡君卒復尚縣主授多羅額駙乾隆

四十四年授公品級一等台吉

命御前行走

賞雙眼孔雀翎黃馬褂四十六年從大軍勦薩拉爾逆
回於華林寺四十八年襲扎薩克和碩親王四十
九年授寧夏副都統抵任聞石峯堡底店逆回驟
起選駐防滿兵及阿拉善兵馳赴大軍勦賊

諭嘉之敘績

詔自擇其弟以名

聞授公品級一等台吉旺沁班巴爾遣弟瑪哈巴拉及
雲丹策登入

覲

詔授瑪哈巴拉公品級一等台吉

附固山貝子衮布列傳

今襲鎮國公

衮布扎薩克郡王阿寶長子初授二等台吉雍正
八年以所部兵五百赴巴里坤防準噶爾會寧遠
大將軍岳鍾琪入

覲準噶爾偵不備襲科舍圖汎謀盜我駝馬總兵樊廷等
以兵二千驟擊之衮布偕鄂爾多斯台吉定咱喇
什率兵往援準噶爾賊敗遁

諭獎其黽勉効力九年封輔國公

詔撤兵歸牧岳鍾琪奏請留屯

允之

諭曰衮布率所部兵効力行間勤勞懋著從前已加恩賞
著仍增給銀兩并諭其父阿寶知之十年晉封固山貝

子

命御前行走

賜三眼孔雀翎十三年撤大軍衮布始率所部兵歸牧乾隆二年卒無嗣弟拉爾濟旺舒克襲

一次襲拉爾濟旺舒克阿寶第三子乾隆二年襲固山貝子六年卒無嗣

詔以其從父丹津索諾木之子索諾木多爾濟降襲鎮國公

二次襲索諾木多爾濟拉爾濟旺舒克再從弟乾隆六年襲鎮國公三十年卒子烏爾圖納遜襲

三次襲烏爾圖納遜索諾木多爾濟長子乾隆三十年襲鎮國公四十六年從大軍勦薩拉爾逆回于華林寺四十七年

詔鎮國公爵世襲罔替以承貝子袞布祀四十九年從大軍勦石峯堡底店逆回有功

賜孔雀翎尋入

覲

命乾清門行走

附
輔國公玉木楚木列傳

今襲鎮國公

玉木楚木扎薩克貝勒和囉理次子康熙三十一年從父來朝

優賚之三十五年

上親征噶爾丹西路大將軍費揚古以阿拉善兵為前驅
玉木楚木偵噶爾丹自克魯倫竄特勒爾濟偕副

都統阿南達馳擊之費揚古統兵繼進噶爾丹敗遁軍還復以所部卒設哨布隆吉爾已而撤哨卒屯肅州

詔給糗糧芻茭三十六年復率哨卒赴哈密追捕噶爾丹從子丹濟拉謀由瀚海竄達賴喇嘛所馳禦之噶斯口丹濟拉來歸始撤還三十七年叙功

詔封輔國公五十二年卒子二長沙畢多爾濟次羅卜藏達爾濟相繼襲

一次襲羅卜藏達爾濟王木楚木次子康熙五十
三年襲輔國公尋晉鎮國公五十四年從西安將
軍席柱等屯巴里坤防準噶爾五十九年復自巴
里坤赴青海將從平逆將軍延信等護達賴喇嘛
入藏次博羅克克疾卒無嗣兄沙畢多爾濟襲
二次襲沙畢多爾濟王木楚木長子康熙五十四
年偕羅卜藏達爾濟駐防巴里坤五十九年從大
軍入藏駐其地六十年襲鎮國公雍正元年撤還

詔併敘昆弟從征績晉封固山貝子乾隆二年卒無嗣

詔以玉木楚木弟齊木特之子袞楚克降襲輔國公

三次襲袞楚克沙畢多爾濟從弟乾隆二年襲輔

國公二十年以所部兵五百從征達瓦齊隸西路

副將軍薩拉爾隊二十三年復率兵百從勒庫車

逆回圍其郭敗賊援阿卜都哈里克兵

詔叙績逆酋霍集占尋携賊五千餘來援鏖擊之賊黨

跳走追至鄂根河蘇巴什山陣斬三百餘級

諭嘉之

賜雙眼孔雀翎庫車城下復從大軍降阿克蘇及烏什
衆進抵葉爾羌分領右翼隊擊賊喀喇烏蘇明年
春還阿克蘇

詔晉封鎮國公夏復進兵喀什噶爾霍集占遁巴達克
山大軍分道進勦以衮楚克駐防喀什噶爾巴達
克山岳霍集占首至乃遣歸明年敘功

獎賜銀幣三十二年卒子多爾濟色布騰襲

四次襲多爾濟色布騰袞楚克次子乾隆三十二年襲鎮國公四十六年從大軍勦薩拉爾逆回于華林寺四十七年

詔鎮國公爵世襲罔替以承輔國公玉木楚木祀四十九年從大軍勦石峯堡底店逆回得功牌二

欽定外藩蒙古回部王公表傳卷之八十